

իմոցն: Ծանիր Չիկմունթ արքայտ Լէհու, զի
 դամ ի վերայ քո անթիւ զօրօք եւ անհամար
 հեծելովք, իբրեւ զարծիւ շառաջմամբ եւ ա-
 հարկու. զի ծանիցես զիս եւ իմասցիս զզօրու-
 թիւնս իմ, որ եմ նման երկնայնոց: Իսկ դու ⁸⁵
 տկար եւ նկուն, զոր ոչ կամիս հնազանդիլ
 հօրիս եւ լինել ինձ հարկատու. տեսցես թէ
 զինչ անցք անցանիցեն ի գլուխ քո եւ քոյոցն:
 Չի դու ո՞վ իցես, զի ընդդէմ կայցես ինձ կամ
 պատերազմ տացես ընդ յաղթող զօրս իմ: Ո՞վ ⁹⁰
 ես դու կամ յո՞վ իցես յուսացեալ. եթէ յեկե-
 ղեցի՞սն քո յորում աղօթէքն. զամենեսին զնո-
 սա գրաստուց իմոց ախոռ արարից եւ ձիոց.
 Իսկ թէ ի փա՞յտ ձեր յուսացեալ ես. ես նո-
 վաւ մանրեցից զգլուխ քո: Երդնում ի հաւատ ⁹⁵
 Մահմէտի եւ ի կրօնս մըսլմանութեան. զի որ
 ինչ խորհեցայ ես՝ զայն արարից: Այլ եւ զքո
 թախտն Քրաքով, զԼով եւ զԼուսլին ետու
 պարգև զօրացս իմոց»: Եւ այլ բազում բանս
 հպարտ եւ հայհոյութիւնս մեծարանութեան ¹⁰⁰
 գրեաց եւ ուղարկեց առ թագաւորն Չիկ-
 մունդ:

Եւ ինքն զկնի թղթոյն վաղվաղակի զայր
 հասանէր ի Պուլտան: Չկնի նորա եհաս եւ
 խանն ՉՌ Թաթարովք եւ մտեալ նա նախ ի ¹⁰⁵
 սահմանս Լէհու միաս զօրծեց յոլով: Իսկ
 զօրքն Տաճկաց իրեք տեղիս բանակ հարեալ՝

81 յիմոցն: — 83 շառաջմամբ: — 85 յերկնայնոց:
 — 91 ով... ուսացեալ: — 95 ի չիֆ: — 97 խոր-
 հեցա: — 107 առեալ: